



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De vnctione extrema. tit. 137

urn:nbn:de:hbz:466:1-29452

Matt. 18.
1. ad Tit. 5.

nabit omnia, 1. Cor. 4. Christus dicit, Qui Ecclesiam non audierit, sit tibi sicut ethnicus & publicanus, &c. Paulus: Habentes damnationem, quia &c.

DE VNCTIONE EXTREMA
TITVLVS CXXXVII.

TRIA notanda sunt. Primò, quid sit vnctio extrema: Secundò, ad quid instituta. Tertiò, qui sint fructus illius. Primò vnctio est chrisma à Christo præceptum, & traditum Apostolis, Marc. 6. & factis dotibus Ecclesie ad perungendos infirmos, Jacob. 5. idq; ad consequendam sanitatem corporis & animæ. Et dicitur extrema vnctio, quia in cõfirmatione, baptismo & sacro ordine, præcedunt quædam vnctiones. Sed hæc vltima est, & hominibus in extremis porrigitur.

Secundò, vnctionis huius institutæ ratio, est primò ipsa diuina voluntas, quæ instituit vngere homines, sicut sua voluntate etiam baptismus est institutus, & que præceptus. Exod 30. præcipitur Moyfi facere vnctionis oleum, quo vngat tabernaculum, mensam, arcam, vtenilia. Et 29. Aaron vngitur in capite & filij eius, &c. Ergo vngendi modus non est traditus humana. Sic Samuel vngit Saulem, 1. Regum nono, quam vnctionem maximè honorauit Dauid, ad eum etiam noluerit occidere vnctum regem, 1. Reg. 24. Et Dauid vngitur in regem, 1. Reg. 16. Ad quid profuit hæc oleatio? Ad quid prodest madefactio aquæ in baptismo? &c. Deus est qui præcepit, significatio spiritualis est: aqua enim mundationem per sanguinem Christi: oleum, misericordiam & gratiæ donum, significant. Vnguntur autem ad remissionem, ad confortationem in pugna, ad officium exercendum in Ecclesia, ad sanitatem corporis & animæ &c. Ad quid opus fuit iecur piscis ad visum Tobie? potuissetne verò Deus eum illuminasse, Tob. 5? Ad quid lutum in sanatione cæci

peccati, Ioan. 9? Sudariola Pauli, Actor. 19. Fimbria Christi mulieri, Marc. 5. Cur mittitur sal in aquam, ut dulcescat iterum. Exod. 15. & 4. Reg. 2. Si ergo Deus per hæc media voluit sanare, cur negas vnctionem.

Tertiò, Fructus igitur vnctionis explicantur lac. 5. Primus est, alleuiatio infirmitatis & doloris vel in toto, aut vt tolerabilius sustineatur. Secundò, remissio peccatorum, quæ in corde, oculis, auribus, manibus, pedibus, & toto corpore commissimus. Non respicere oportet solum in oleum, sicut hæretici faciunt & ridet: sed in virtutem & operationem Dei, quæ per hoc medium operatur. Neque aqua Baptismi tollit peccatum, sed medium est, per quod Deus tollit peccata, Actor. 2. Habet hoc Sacramentum testimonium veteris Ecclesiæ, ideò non est omittendū propter hæreticos; nec solum est corporis medicina, sed etiam animæ.

Et quoniam incerti sumus sapè, An infirmitas homini contingat vel propter punitionem in præsentia ad tempus, sicut cõtigit paralytico, Ioan. 5. & Ezech. 2. Regum 20. Ideò Ecclesia non statim in principio infirmitatis vngit, sed expectat Dei correctionem. At quando videtur periculum vitæ, &c. tunc vngitur infirmus, vt alleuiatus ab onere peccatorum, citius ad Deum pergat. Hæc est simplex Catholicorum fides de Sacramento extremæ vnctionis. Cui quoque accedit consolatio sacerdotis, & oratio & suffragiū populi, &c. sicut iubet Apostolus Iacobus: Si quis inquit, infirmatur, vocet sacerdotes &c.

CUR SIC ODIUNT SCHIS-

matici vnctionem & Chrisma.

TITVLVS CXXXVIII.

NOTANDVM primò, quòd triplici ratione mouentur Schismatici, quòd sic odiunt & derident vnctiones, Chrisma, & alia Sacramēta.

Y y § talia,